
ВИЛОЯТ ҲОКИМИ ЎРИНБОСАРИ ФАЙЗУЛЛО ҚОСИМОВ БОШЧИЛИГИДАГИ ФАРҒОНА ВИЛОЯТИ ДЕЛЕГАЦИЯСИ – ЯПОНИЯДА

Вилоят ҳокими ўринбосари Файзулло Қосимов бошчилигидаги Фарғона вилояти таълим соҳаси делегацияси амалий ташриф билан Японияда бўлиб турибди.

Президент Шавкат Мирзиёев раислигида 5 апрелда ўтказилган халқ таълими соҳасида амалга оширилаётган ислохотлар натижадорлигининг таҳлили юзасидан видеоселектор йиғилишида берилган топшириқлар ижросини таъминлаш мақсадида ташкил этилган ушбу ташриф давомида вилоятда таълим даражасини илғор хорижий мамлакатлар таълими даражасига кўтариш чораларини аниқлаш, бу борада Япония таълим тажрибасини батафсил ўрганиш мақсад қилинган.

Делегация таркибидан шунингдек, вилоят халқ таълими бошқармаси бошлиғи Шерзод Долимов, вилоят халқ таълими бошқармаси ҳамда вилоят халқ таълими ходимларини қайта тайёрлаш ва уларнинг малакасини ошириш ҳудудий маркази мутахассислари, олий таълим ва халқ таълими муассасалари вакиллари ўрин олган.

Вилоятимиз делегацияси аъзолари дастурнинг илк кунида Токио шаҳридаги мактабларда бўлдилар, дарс жараёнларини кузатиш билан бирга, ўқувчилар ва ўқитувчиларга яратилган шароитлар билан танишдилар.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-06-13 14:45:05